

1. TÍTULO DO PROGRAMA / AXUDA

Subvencións do Programa de Comercio Circular (CÓDIGO DE PROCEDEMENTO CO300D)

2. FINALIDADE / OBXECTIVO

Axudas para actuacións de comercio sustentable e circular realizadas e executadas entre o 01/01/2023 e o 15/11/2023

3. TIPOS DE APOIO

Axudas a fondo perdido suxeitas ao réxime de mínimos e tramitadas en réxime de concorrência NON competitiva.

4. BENEFICIARIOS POTENCIAIS

1. Comerciantes retalistas:

As persoas físicas ou xurídicas, comunidades de bens ou calquera outro tipo de unidade económica ou patrimonio separado sen personalidade xurídica, legalmente constituídas, que cumpran os seguintes requisitos:

a) Que **desenvolvan a súa actividade comercial en Galicia**, que o domicilio social radique na Comunidade Autónoma e que cumpran os requisitos establecidos legalmente para exercer a actividade. No caso de comerciantes que realicen a actividade comercial en liña, deberán ter o domicilio fiscal na Comunidade Autónoma de Galicia.

b) Que **teñan a condición de peme** conforme o establecido no Regulamento (UE) nº 651/2014 da Comisión, do 17 de xuño de 2014, polo que se declaran determinadas categorías de axudas compatibles co mercado interior en aplicación dos artigos 107 e 108 do Tratado (DOUE 187, do 26 de xuño), incluídas as persoas en situación de autoemprego

c) Que **estean dadas de alta nalgúnhas das epígrafes do IAE que se relacionan no anexo II e que esta constitúa a actividade principal.**

No suposto de que nun mesmo establecemento comercial se realicen actividades comerciais subvencionables con outras non subvencionables, a persoa solicitante deberá acreditar mediante declaración responsable que a actividade comercial subvencionable é a principal.

2. Obradoiros artesanís:

Que estean inscritos no **Rexistro Xeral de Artesanía de Galicia.**

3 **Asociacións de comerciantes: (Estas axudas soamente as poden solicitar as asociacións de comerciantes que estean constituídas como centro comercial aberto e cumpran os requisitos que se esixen seguidamente)**

Que teñan a condición de centro comercial aberto ao abeiro da Orde do 27 de decembro de 2022 pola que se establecen as bases reguladoras para a concesión, en réxime de concorrência non competitiva, das subvencións ás asociacións de comerciantes sen ánimo de lucro para a dinamización dos centros comerciais abertos de Galicia, e se procede á súa convocatoria para o ano 2023 (código de procedemento CO300A) (DOG número 28, do 9.2.2023).

En todo caso, as asociacións de comerciantes deberán ter unha antigüidade mínima de tres anos na data de publicación desta orde e estar ao día na obriga de aprobación das contas anuais pola Xunta Directiva nos dous últimos exercicios previos a esta orde de convocatoria.

5. SECTORES INCENTIVABLES
Comercio
6. REQUISITOS PRINCIPALES DO PROXECTO
Actuacións subvencionables realizadas con materiais 100% biodegradables ou ecolóxicos (pódese acreditar mediante certificación da norma ISO ou equivalente) Actuacións subvencionables totalmente executadas e pagadas entre o 01/01/2023 e o 15/11/2023
7. CUALIFICACIÓN REQUERIDA DO PROXECTO
8. INVERSIÓNS E/OU GASTOS COMPUTABLES
Considerarase subvencionable a adquisición de solucións sustentables de envasado e empaquetado realizadas con materiais cen por cento naturalmente biodegradables ou ecolóxicos. Poderase acreditar a sustentabilidade dos materiais utilizados mediante certificación, norma ISO ou equivalente que garanta que os produtos foron elaborados con prácticas sustentables e responsables. En concreto, <u>consideraranse subvencionables:</u> a) <u>Comerciantes retalistas e obradoiros artesanís:</u> – Caixas e sobres de cartón ou papel reciclado. – Recheos, proteccións acolchadas e escumas para a embalaxe. – Cordas ou cintas de rafia, algodón ou outros materiais naturais. – Film de material biodegradable. – Etiquetas. – Pegamento e cinta adhesiva. – Bolsas comerciais de fibras naturais ou material reciclado. <u>Asociacións de comerciantes:</u> – Bolsas comerciais de fibras naturais ou material reciclado. <u>Non se considerarán gastos subvencionables:</u> a) Os impostos indirectos cando sexan susceptibles de recuperación ou compensación nin os impostos persoais sobre a renda, de conformidade co disposto no artigo 29.8 da Lei 9/2007, do 13 de xuño, de subvencións de Galicia. Se a persoa solicitante está suxeita ao réxime especial de recargo de equivalencia, o imposto sobre o valor engadido será subvencionable ao non ser susceptible de recuperación nin compensación.

Para ese efecto, a persoa solicitante deberá indicalo na epígrafe correspondente do modelo de solicitude (anexo III) e acreditar tal circunstancia coa documentación correspondente; en caso contrario, non se considerará un gasto subvencionable.

- b) As bolsas comerciais e demais elementos de plástico.
- c) As actuacións desenvolvidas en establecementos de hostalaría.
- d) As actuacións que inclúan publicidade, imaxes ou calquera outro contido sexista ou discriminatorio, ou que non respecten a normativa vixente sobre o uso correcto do idioma

9. CONTÍA DAS AXUDAS

Investimentos máximos subvencionables

Establécense os seguintes investimentos máximos subvencionables:

a) **Comerciantes retalistas e obradoiros artesanís:**

Persoas beneficiarias Investimento máximo subvencionable

Persoas autónomas e pemes de 0 a 10 persoas traballadoras **3.000,00 €**

Persoas autónomas e pemes de 11 a 50 persoas traballadoras **4.500,00 €**

Persoas autónomas e pemes de 51 a 250 persoas traballadoras **6.000,00 €**

b) **Asociacións de comerciantes:**

Número de comercios asociados Investimento máximo subvencionable

50-69----- **7.700,00 €**

70-99---- **10.000,00 €**

>=100----- **13.300,00 €**

Investimento mínimo subvencionable:

O investimento mínimo que cómpre realizar para que o proxecto se considere subvencionable ascende a **1.000,00 €**.

Intensidade da axuda:

Establécense as seguintes porcentaxes da subvención sobre os investimentos máximos subvencionables establecidos neste artigo:

a) **Comerciantes retalistas e obradoiros artesanís:**

Persoas beneficiarias Porcentaxe da subvención

Persoas autónomas e pemes de 0 a 10 persoas traballadoras **80 %**

Persoas autónomas e pemes de 11 a 50 persoas traballadoras **75 %**

Persoas autónomas e pemes de 51 a 250 persoas traballadoras **70 %**

b) **Asociacións de comerciantes:**

90 %.

10. PRAZO DE PRESENTACIÓN DE SOLICITUDES

As solicitudes deberán presentarse na modalidade electrónica na sede electrónica da Xunta de Galicia: <https://sede.xunta.gal>

O prazo para presentar as solicitudes remata o 9 de outubro do 2023

11. INCOMPATIBILIDADES

O importe das subvencións reguladas nesta orde en ningún caso poderá ser de tal contía que, illadamente ou en concorrencia con outras axudas e subvencións das distintas administracións ou calquera dos seus entes públicos e privados, nacionais ou internacionais, supere o custo total do investimento subvencionable.

As subvencións previstas nesta orde serán incompatibles con calquera outra da mesma ou distinta consellería e entes dependentes para os mesmos conceptos subvencionables e a mesma persoa beneficiaria.

No caso de percibirse outras axudas, deberase acreditar documentalmente a súa natureza e contía, así como calquera circunstancia que poida afectar substancialmente a execución das actuacións.

A comunicación deberá efectuarse tan pronto como se coñeza e, en todo caso, con anterioridade á xustificación da aplicación dada aos fondos percibidos.

12. REFERENCIA LEXISLATIVA

Orde do 16 de agosto do 2023 (DOG 8 setembro do 2023)

13. INFORMACIÓN E TRAMITACIÓN

TELÉFONOS INFORMACIÓN E ASESORAMENTO DA CONSELLERÍA E ECONOMÍA, INDUSTRIA E INNOVACIÓN: 981545554; 881995529; 981544530 (este último cando as dúbidas estean relacionadas coas axudas convocadas nesta orde para centros comerciais abertos)

14. OBSERVACIÓNS